

Broj: 06-03-512-15/11/15
Mostar, 04.11.2015. godine

Na osnovu člana 21., člana 37., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 2. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20. Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za obnovu dozvole za snabdijevanje električnom energijom - dozvole II reda broj 06-03-512/11/15 od 05.06.2015. godine podnosioca Danske Commodities BH d.o.o. iz Sarajeva, Regulatorna komisija za energiju u Federaciji Bosne i Hercegovine – FERK je dana 04.11.2015. godine na XIX redovnoj sjednici donijela sljedeće

RJEŠENJE

1. Izdaje se Dozvola za snabdijevanje električnom energijom - dozvola II reda podnosiocu zahtjeva Danske Commodities BH d.o.o. iz Sarajeva.
2. Dozvola se izdaje na period od 06.12.2015. godine do 05.12.2020. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1. i 2. ovog rješenja.
4. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
5. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 05.06.2015. godine primio od podnosioca Danske Commodities BH d.o.o. iz Sarajeva Zahtjev za obnovu dozvole za snabdijevanje električnom energijom - dozvole II reda pod brojem 06-03-512/11/15, te dana 10.06.2015. godine dopunu Zahtjeva za obnovu dozvole za snabdijevanje električnom energijom - dozvole II reda pod brojem 06-03-512-01/11/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola.

Zbog navedenog FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva 23.06.2015. godine Obavještenje o nedostacima podnesenog Zahtjeva za obnovu dozvole za snabdijevanje električnom energijom - dozvole II reda broj 06-03-512-02/11/15 i odredio mu rok od osam dana radi otklanjanja uočenih nedostataka navedenih u obavještenju.

Postupajući po obavještenju, podnosilac zahtjeva je dostavio dopis primljen u FERK 01.07.2015. godine pod brojem 06-03-512-03/11/15, uz koji je dostavio dio tražene dokumentacije i obrazloženja.

U cilju cjelovitog upotpunjavanja dostavljene dokumentacije, FERK je podnosiocu zahtjeva 21.07.2015. godine dostavio Zahtjev za informacijama broj 06-03-512-04/11/15, povodom kojeg je podnosilac zahtjeva dostavio dopis primljen u FERK dana 31.07.2015. godine pod brojem 06-03-512-05/11/15, uz koji je dostavio dio tražene dokumentacije i obrazloženja. Dalje, FERK je podnosiocu zahtjeva 07.09.2015. godine dostavio Zahtjev za informacijama broj 06-03-512-06/11/15, povodom kojeg je podnosilac zahtjeva dostavio dopis primljen u FERK 11.09.2015. godine pod brojem 06-03-512-07/11/15, uz koje je dostavio traženu dokumentaciju i obrazloženja.

Postupajući u skladu sa članom 15. Pravilnika za izdavanje dozvola, FERK je 21.09.2015. godine u „Oslobođenju“, „Večernjem listu“ i na svojoj internetskoj stranici objavio Obavještenje za javnost o podnesenom Zahtjevu za obnovu dozvole za snabdijevanje električnom energijom - dozvole II reda podnosioca zahtjeva Danske Commodities BH d.o.o. iz Sarajeva. Povodom Obavještenja za javnost, FERK do roka naznačenog u obavještenju odnosno do 28.09.2015. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 55. Pravilnika o javnim raspravama i rješavanju zahtjeva, sporova i žalbi, obavijestio podnosioca zahtjeva o svojoj namjeri provođenja postupka izdavanje dozvole bez održavanja formalne rasprave, putem Obavještenja 06-03-512-09/11/15 od 28.09.2015. godine i kojom mu je data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva je dostavio FERK-u dopis primljen 30.09.2015. godine pod brojem 06-03-512-10/11/15, u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za snabdijevanje električnom energijom - dozvole II reda po zahtjevu broj 06-03-512/11/15 od 05.06.2015. godine, podnosioca Danske Commodities BH d.o.o. iz Sarajeva. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-512-11/11/15 od 02.10.2015. godine usvojio Nacrt dozvole za snabdijevanje električnom energijom - dozvole II reda, dok je Odlukom FERK-a broj 06-03-512-12/11/15 od 02.10.2015. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za snabdijevanje električnom energijom - dozvole II reda, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za snabdijevanje električnom energijom - dozvole II reda mogu dati na opštoj raspravi koja je održana 14.10.2015. godine. godine u 14:00 sati, u prostorijama FERK-a u Mostaru, a pisani komentari su se mogli dostaviti na adresu FERK-a

ili na elektronsku adresu, u periodu od 05.10.2015. godine do 16.10.2015. godine do 12:00 sati.

Opštoj raspravi o Nacrtu dozvole za snabdijevanje električnom energijom - dozvole II reda prisustvovao je predstavnik FERK-a i podnosilac zahtjeva. Podnosilac zahtjeva je istakao da je nacrt dosta sličan važećoj dozvoli i postavio pitanje koje se odnosilo na finansijski integritet i stabilnost imaoca dozvole iz tačke uslova dozvole. Voditelj rasprave je pojasnio da navedena formulacija odgovara propisanim odredbama Zakona o električnoj energiji u Federacije BiH i Opštih uslova za isporuku električne energije.

Do ostavljenog roka za dostavu pisanih komentara, odnosno do 16.10.2015. godine do 12:00 sati, u FERK nisu primljeni pisani komentari na Nacrt dozvole za snabdijevanje električnom energijom - dozvole II reda.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 19.10.2015. godine pod brojem 06-03-512-13/11/15.

Podnosilac zahtjeva je povodom navedenog FERK-u dostavio 26.10.2015. godine dopis primljen u FERK pod brojem 06-03-512-14/11/15, u kojem je naveo da je saglasan sa izvještajem voditelja javne rasprave i da nema dodatnih primjedbi ni komentara.

Izvještaj voditelja postupka sa komentarima podnosioca zahtjeva dostavljen je članovima FERK-a dana 28.10.2015. godine pod internim brojem 06-08-584/15, na razmatranje radi donošenja odluke.

Na osnovu obrade Zahtjeva za obnovu dozvole za snabdijevanje električnom energijom - dozvole II reda podnosioca Danske Commodities BH d.o.o. iz Sarajeva i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za snabdijevanje električnom energijom - dozvole II reda u skladu sa Zakonom o električnoj energiji u Federaciji Bosne i Hercegovine, te Pravilnikom za izdavanje dozvola.

Na osnovu navedenog, kao i analize postupka opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 32. i članom 36. Pravilnika za izdavanje dozvola određeni uslovi. Spomenuti uslovi uvažavaju potrebu, ali i obavezu Danske Commodities BH d.o.o. iz Sarajeva, da u rokovima propisanim u uslovima dozvole za rad za obavljanje licencirane djelatnosti snabdijevanja električnom energijom iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu izravno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić